

Na osnovu člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14 i 59/22), na preporuku Komisije za javnu nabavku broj: 13-11-9621-Z2/23 od 10.08.2023. godine, u postupku javne nabavke „Nabavka usluga banjско-klimatske rehabilitacije“ u skladu sa Pravilnikom o postupku dodjele ugovora o uslugama iz aneksa II Zakona o javnim nabavkama, za pripadnike boračke populacije Zeničko- dobojskog kantona, ministar Ministarstva je donio

**ODLUKU
o izboru ponuđača**

Član 1.

Prihvata se preporuka Komisije za izbor ponuđača broj: 13-11-9621-Z2/23 od 10.08.2023. godine i prihvataju se formalno-pravno zadovoljavajuće ponude ponuđača sa jediničnom cijenom pružanja usluge, kako slijedi:

Naziv ponuđača	Jedinična cijena bez PDV-a u KM (Dan / korisnik)
Javna ustanova za medicinsku rehabilitaciju i banjско liječenje-lječilište “REUMAL” Fojnica	85,00
Javna zdravstvena ustanova banjско-rekreativni centar „AQUATERM“ Olovo	85,00
Zdravstvena ustanova liječilište „BANJA TERME ILIDŽA“ Sarajevo	85,00
Javna zdravstvena ustanova centar za fizikalnu medicinu, rehabilitaciju i banjско liječenje „ILIDŽA“ Gradačac	85,00

Član 2.

Prihvata se preporuka Komisije za izbor ponuđača broj: 13-11-9621-Z2/23 od 10.08.2023. godine i odbacuje se ponuda ponuđača Privatna zdravstvena ustanova liječilište „AQUA BRISTOL“ Tuzla kao formalno-pravno nezadovoljavajuća.

Član 3.

Nalaže se ponuđaču Javna zdravstvena ustanova banjско-rekreativni centar „AQUATERM“ Olovo da u roku od pet dana od dana zaprimanja obavještenja o rezultatima postupka javne nabavke, Ministarstvu dostavi potvrdu nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan. Navedeni dokument mora sadržavati činjenicu da je u momentu predaje ponude navedeni ponuđač ispunjavao predmetni uslov.

U slučaju da ponuđač Javna zdravstvena ustanova banjско-rekreativni centar „AQUATERM“ Olovo, u ostavljenom roku ne postupi po navedenom, njegova ponuda će se smatrati odbačenom i isto će se konstatovati zapisnikom.

Član 4.

U skladu sa tačkom 5. Javnog poziva za dostavljanje ponuda za javnu nabavku usluga banjско-klimatske rehabilitacije u skladu sa Pravilnikom o postupku dodjele ugovora o uslugama iz aneksa II Zakona o javnim nabavkama za pripadnike boračke populacije Zeničko-dobojskog kantona, ugovorni organ će vršiti sukcesivno potpisivanje Ugovora (Nacrt Ugovora- Aneks 6 Javnog poziva) sa jednim ili više ponuđača iz člana 1. ove Odluke, uz preciziranje termina boravka korisnika predmetne usluge.

Član 5.

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 13-11-9621/23 od 18.07.2023. godine.

Javna nabavka je sprovedena u skladu sa Pravilnikom o postupku dodjele ugovora o uslugama iz aneksa II Zakona o javnim nabavkama („Službeni glasnik BiH”, broj 2/23).

Procijenjena vrijednost javne nabavke iznosi 1.160.000,00 KM bez PDV-a, u formi sukcesivne isporuke prema potrebama ugovornog organa, a u periodu 2023.- 2025. godine.

Javni poziv je objavljen na “Portal javnih nabavki BiH” www.ejn.gov.ba, broj obavještenja o nabavci: 5377-9-2-1-22-2/23 od 21.07.2023. godine.

Komisija za provođenje postupka javne nabavke „Nabavka usluga banjsko-klimatske rehabilitacije“ u skladu sa Pravilnikom o postupku dodjele ugovora o uslugama iz aneksa II Zakona o javnim nabavkama, za pripadnike boračke populacije Zeničko-dobojskog kantona-u daljem tekstu: Komisija, imenovana je Rješenjem Ministarstva broj: 13-11-9621-1/23 od 18.07.2023. godine.

Komisija je dostavila dana 08.08.2023. godine izvještaj o pregledu i ocjeni ponuda broj: 13-11-9621-Z2/23 od 10.08.2023. godine sa preporukom o izboru i odbacivanju ponuđača u predmetnom postupku javne nabavke.

U postupku po izvještaju o radu je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj prispjelih ponuda - pet (5);
- da su blagovremeno zaprimljene ponude- pet (5) ponude;
- da su neblagovremeno zaprimljene ponude - nula (0) ponude;
- da je prihvatljivih ponuda– četiri (4) ponuda;
- da je neprihvatljivih ponuda– jedna (1) ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz Javnog poziva.

U postupku ocjene provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i predmetnim pozivom.

Komisija je utvrdila da ponude ponuđača Javna ustanova za medicinsku rehabilitaciju i banjsko liječenje-lječilište “REUMAL” Fojnica, Javna zdravstvena ustanova banjsko-rekreativni centar „AQUATERM“ Olovo, Zdravstvena ustanova lječilište „BANJA TERME ILIDŽA“ Sarajevo i Javna zdravstvena ustanova centar za fizikalnu medicinu, rehabilitaciju i banjsko liječenje „ILIDŽA“ Gradačac ispunjavaju formalno-pravne uslove, odnosno zahtjeve ugovornog organa, zbog čega je odlučeno kao u članu 1. ove Odluke.

Komisija je utvrdila da ponuđač Javna zdravstvena ustanova banjsko-rekreativni centar „AQUATERM“ Olovo mora u roku od 5 dana od dana zaprimanja obavještenja o rezultatima postupka javne nabavke, Ministarstvu dostaviti potvrdu nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan, u skladu sa članom 45. stav (2) tačka a) Zakona o javnim nabavkama, a u vezi sa tačkom 7.1. Javnog poziva. Navedeni dokument mora sadržavati činjenicu da je u momentu predaje ponude navedeni ponuđač ispunjavao predmetni uslov. Slijedom navedenog odlučeno je kao u članu 3. ove Odluke.

Nadalje, Komisija je utvrdila da ponuđač Privatna zdravstvena ustanova lječilište „AQUA BRISTOL“ Tuzla u dostavljenoj Ponudi nije dostavio dokaze tražene tačkom 7.4 tačka a) predmetnog Javnog poziva, odnosno spisak izvršenih ugovora u skladu sa članom 48. stav (2) i (3) Zakona o javnim nabavkama koji su u vezi sa predmetnom nabavkom, u posljednje tri godine, ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine. Član 48. stav (2) i (3) Zakona o javnim nabavkama propisuje da se dokaz o uredno izvršenim ugovorima podnosi u formi spiska izvršenih ugovora *uz potvrdu o njihovoj realizaciji koju daje druga ugovorna strana*, a što navedeni ponuđač nije dostavio. Komisija također utvrđuje da ponuđač Privatna zdravstvena ustanova lječilište „AQUA BRISTOL“ Tuzla u dostavljenoj Ponudi nije uredno popunio aneks 6- član 4. Nacrta ugovora. Istim je precizirano da je dobavljač dužan taksativno nabrojati za koja je sve oboljenja specijaliziran za pružanje usluge medicinske rehabilitacije, i da isti nije dostavio ni jedan drugi valjan dokaz na osnovu kojeg bi se utvrdila oboljenja za koja je specijaliziran u pružanju usluga medicinske rehabilitacije, te se ista zbog navedenog cijeni kao neprihvatljiva u skladu sa članom 68. stav (4) tačka i) Zakona o javnim nabavkama. Slijedom navedenog, odlučeno je kao u članu 2. ove Odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Zenica, 10.08.2023. godine
Broj: 13-11-9621-8/23

Dostavljeno:
5x ponuđači;
1x a/a



